

10 сентябре
1940 ары
№ 72 (118)

Номерлэн дуныз 5 коп.

ВЫЛЬ УЛОН

2-ти АРЭЭ ПОТЭ

ВКП(б)-лэн УАССР-ыс
Понино Райкомезлэн
но Райсоветлэн
газетсы,

Тросэн кулэ луись вуз'ёсты поттонэз кужмоятоно

ВКП(б)-лэн 18 с'ездэз аслаз решениеныз паськыт потребление предмет'ёсты поттон'я куиньметй сталинской пятилеткаын промыслово-кооперативной артельёс азе бадзым задачаосты пуктйз. Куиньметй пятилеткалэн планэныз учкемын паськыт потребление предмет'ёсты поттон'я среднегодовой будон 11 процентлы но производстволэсь средствосэ поттон'я 15 процентлы.

Та задачаосты по большевистски быдэстон понна Удмуртской АССР лэн СНК-ез аслаз 21 марта 1940 арын потэм постановленияз косьз Наркоместпромеэз 1940 арын паськыт потреблэние предмет'ёсты поттонэз эшшо но паськытатыны но выль производствоосты организовать карыны. Нырысь со район'ёсы, кытын нокрыче но производство организовать карымтэ.

Асьме районын, 1940 арозь нокрыче но производство организовать каремын ой вал. Соин ик асьме азын пуктэмын бадзымезь задачаос, чтобы трудящейёсты тырмыт кулэ луись предмет'ёсын обеспечить карыны. Со понна организовать кароно вылесь производствосэ.

Райсоветлэн местной промышленности о т д е л э з л э н планэз'я организовать кароно: гончарно-кирпичной, валяльно-войлочной, мебельно-обозной производствоосты. Та производствосын кивалтыны понна районын промкомбинат организовать каремын, кудйз 1940 арын паськыт потребление предмет'ёсты 126 сюрс манетлы лэзыны кулэ. Со сяна артель «Понинской кустарь» 25 сюрс манетлы. Кызы та план'ёс уж вылын быдэс'ясько?

Та вопрос'ёс эскеремын вал али ортчем райсоветлэн 5 очередной сессияз. Сессия обсудить карыса вераз, что

местной промышленность не удовлетворительно ужа. Районысьтымы трудящейёс кулэ луись предмет'ёсты, куд'ёссэ луэ лэстыны асьме районын ваёно луо мукет район'ёсысь но город'ёсысь. Та бадзым ужез тужгес ик жегато сельисполком'ёслэн, колхоз'ёслэн председателёссы. Соин, что таос тырмыт уг вис'яло ужась кужым. Колхоз председателёс юнмысь възэ специалист'ёсты столяр'ёсты, дёды, уробо, лэстысьёсты сапожник'ёсты, гынсагег лэстысьёсты, куд'ёсыз быгато бадзым юрттэт сётыны паськыт потребление предмет'ёсты поттон удысын. Тырмыт юрттэт райпо но уг сёты, «Понинской кустарь» артельлы одйг пол гинэ хлопчатка вис'ялэз ни. Соин ик шапка, картуз вурон'ёс жегаткыса уло, а та предмет'ёс понна кулэс'ясысь туж трос.

Та, выль верам окмытэосты моготэк быдтоно. Местной промышленностез организовать каронлы бадзым саклык вис'яно, производственной планэз мултэсэн быдэстоно вылысь. Тужгес ик колхоз'ёс кулэс'яско дёды, уробо, сиес котыр понна, колхозник'ёс, чебер шкаф пукон, жёк но мукет кулэ луись предмет'ёс понна. Ваньэз таосты быгатйськомы асьме районамы лэстыны, та уже мылкыд гинэ кулэ. Соин ик паськыт потребленилы кулэ вуз'ёсты поттонлэсь производствоссэ, по-большевистски организовать кароно.

Населениез бытовой обслуживать карон—местной партийной, советской но профсоюзной организациослэн нырысь быдэстоно уж'ёс пёлысь одйгез луэ. Озы гинэ быдэстомы ВКП(б)-лэн 18 с'ездэныз местной промышленности, асьме азын пуктэм задачаосты.

Красной Армии очередной призыв сярысь

СССР-лэн Оборонаезлэн Народной Комиссарезлэн
293 номеро

П Р И К А З Э З

3 сентября 1940 арын

Москва город

Всеобщой воинской обязанность сярысь Законлэн соотвествиез'я приказывать карисько:

1. Красной Армии, Военно-Морской Флотэ, СССР-лэн НКВД-езлэн пограничной но внутренней войскоосаз действительной военной службе призвать кароно 1940 арын 15 сентябрысен 10-ти октябрыз:

- 1920 арын вордскем граждан'ёсты,
- 1921 арын 1 январысен 31 августозь вордскем граждан'ёсты,
- 1921 но 1922 ар'ёсы вордскем, средней образованиен граждан'ёсты.
- призывлэсь отсрочка сётыса кельтэм бадзым арлыдо граждан'ёсты.

2. 1910 арын вордскем граждан'ёсты, куд'ёсызлы азы-выл отсрочка сётылэмын, призывлэсь мозмытыса кыктэй категорииен запасэ перечислить кароно.

СССР-лэн Оборонаезлэн Народной Комиссарез Советской Союзлэн Маршалэз—С. Тимошенко.

ВКП(б)-лэн ЦК-яз

ВКП(б)-лэн ЦК-ез пуктйз:

1. П. Н. Поспелов эшез утвердить кароно ВКП(б)-лэн Центральной Комитетэзлэн но МК-лэн органэзлы «Правда» редакторе, сое освободить карыса ВК(б) лэн ЦК-езлэн пропаганда Управлениезлэн начальникезлэсь заместителезлэсь обязанностьысьтыз.

2. Освободить кароно А. А. Жданов эшез ВКП(б)-лэн ЦК-езлэн пропаганда Управлениезлэн начальникезлэсь обязанностьысьтыз, со бордын кельтыса пропаганда Управлениез наблюдать каронэз.

3. Утвердить кароно Г. Ф. Александров эшез ВКП(б)-лэн ЦК-езлэн пропаганда Управлениезлы начальнике.

Наркоминделын

5 сентябре 1940 арын Москваын СССР но Германия купын соглашение гожтэмын Бессарабилэн но Северной Буковиналэн территорияосысьтызы немецкой национальностьюем адямиосты Германилэн территорияз келян сярысь.

Та соглашения, немецкой национальностьюем адямиос, мылкыд ке каро, свободной кошкыны быгато Германилэн территорияз соглашением тутатэм поряжок'я.

Соглашение подписать каремын Советской Правительственной делегацилэн Председателеныз А. П. Васюковен но Германской Правительственной делегацилэн Председателеныз Г. В. Нельдекеен.

ТАСС-лэн ивортонэз

Японинын потйсь «Хоци» газет ивортон вольдэ август толэзлэн пумаэ, пе Сталин эш вераськем германской полсолэн граф Шуленбурген СССР, Германия, Италия но Япония купын соглашение гожтон сярысь но антикоминтерновской пактэз быдтон сярысь вопрос'я.

ТАСС уполномочить каремын вераны, что «Хоци» газетлэн со ивортонэз быдэ сакез кутсконысеныз пумозяз ик луэ вымышленной, малы ке шуод, Сталин эш та берло 6—7 толэзёс купын г. Шуленбурген чик өз пумиськылы.

Лондонэз бомбардировать карон

Юнайтед Пресс агенстволэн лондонской корреспондентэз ивортэ, германской самолет'ёс Лондонэз бомбардировать карызы шуыса. Бомбардировкалэн подробностьёсыз тодмо өвёл.

Африкаын военной действиос

Рейтер агенство сётэ Каирын ялэм ивортонэз. Отын шуэмын: «16 августэ потон уйин Александриялэн котыр'ёсаз кык час'ем налет лэстымын вал. Куям бомбаслэсь бадзым из'ян өз луы».

МУКЕТ КУНЪЁСЫН

Англо-германской война

Берлин, 6 сентябре. (ТАСС). Верховной командование та-че сводка сётэ: «Германской военно-морской флот океанской вуосы кёня ке неприятельской торговой судноосты выйтйз. Соослэн ог'я тоннажыс 41 сюрс тонна. Темзавенысь нефтехранилищеосты кык пол бомбардировать карыса, отын бадзым тылпу потйз.

6 сентябре потон уй асьмелэн самолет'ёсмы бомбардировать карызы Линкольн-лэн районунысьтыз кёня ке аэродром'ёсты. Ливерпульсы, Блитысь, Гулльыс портовой сооружениосты, Ньюкэстльысь промышленной предприятиосты, озы ик Лондонлэн восточной люкетысьтыз торго-

вой сооружениосты но док'ёсты.

Английской самолет'ёс Германилэн куд-ог район'ёсаз бомбаос куяса, бадзым из'ян лэстыны өз быгатэ. Одыг интытын гинэ бырыны шедемын 5 мурт но кык мурт сёсырмемын Соос бырыны шедизы убежищеэ быззыса мыныкузы

Противниклэн толон 46 самолет'ёсыз но воздушной загражденилы тутатэм 6 аэро-стат'ёсыз быризы, асьмелэн быризы 16 самолет'ёсмы.

Омырын жугиськон'ёс дыр'я та берло арня купын вормисьёс. Пёлын нырысь инты басытэ майор Мельдерс, со 32 неприятельской самолет'ёсты уськытйз».

Румынской Король престолысьтыз куштйськыиз

Берлин, 6 сентябре. (ТАСС). Трансоциан агенство аслаз Бухарестысь корреспонден-тэзлэсь ивортонэз сётэ румынской король Кароль престолысьтыз куштйськыса, престолэз аслаз пиезлы Михаиллы сётйз шуыса.

Король Михаил престолэз пуксиз

Берлин, 6 сентябре. (ТАСС). Германской информационной бюролэн Бухарестысь ивортэ-мез'я, 9 час но 30 минутэ король Михаил Бухарестысь королевской дворецлэн тронной залаз присага сётйз.

Железнодорожеец'ёс Румынилэн данак город ёсаз властез таланы туртскылйзы

Бухарест, 6 сентябре. (ТАСС). Валлян жытезе Брашовын железнодорожеец'ёслэн куд-огез группызы властез таланы туртскызы. Воружить карем железнодорожеец'ёс басытыны туртскызы городысь основной стратегической зданиосты. Соос ог вадеслы телефонной станциез басытыны быгатйзы вал шуыса, верало. Но военной частьёс отчы вуыса, путчист'ёсты улязы но кёнязэ ке соосты арестовать карызы. Али та город военной властёслэн контроль улазы. Куд-огезлэн

вераськылэм'ёссыя, городын вань движение дугдытэмын, стратегической район'ёс котыртылэмын, общественной интыос ворсаллямын. Трансильваниын чугун сюрес вылын движение сёриськемын, Трансильваниысь кошкыз поезд'ёс тырмылэмын эвакуироваться карисьёсын. Куд-ог иворт'ёс'я, Трансильваниын железнодорожник'ёс забастовка ортчыллэм.

Железнодорожеец'ёслэн выступлениоссы озы ик вылэм Констанцын но.

Отчетно-выборной собраниясь

Туз арын 4 сентябре Бадзымшурской первичной комсомольской организациын отчетно-выборной собрание ортчиз. Ваньмыз комсомолец'ёс 8 мурт участвовать карызы. Талэн секретарез Афонин эш отчетной доклад лэстыз. Доклад бере, уно прениын выступить карызы. Прениын выступить карисьёслэн вераськемысьтызы тодмо луиз, что Афонин эш ас ужаз умой оборонной но мукет кружок'ёсты кылдыт'яз, уноез комсомолец'ёс ГСО значоклы нормаос сдать карылэмын но ГТО значоклы дасяськон мынйз. Комсомолец'ёслэн кужы-менызы тулыс ю кизён дыр'я но ю нянь октон-калтон дыр'я культбригада кылдытэмын вал, та бригадаен 15 колхоз обслужить каремын. Органи-

зациысь ваньмыз комсомолец'ёс колхозник'ёс, колхозницаос пёлын массово раз'яснительной уж нуизы.

Нош ваньмынзы таин чош ик выступать карисьёслэн вераськемысьтызы тодмо луиз на, что азинскем'ёсын чош ик окмытэосыз но вань. Кылсырысь, ичиз комсомолец'ёс «ВКП(б) лэн историезлэсь краткой курсэ» изучать каро. Комсомольской организация школаен герзаськытэк ужаз, школалэн заведующеозлэсь одйг пол гинэ отчетсэ кылскемын.

Виль быр'ем КСМ организацилэн кивалтысь составезлы ваньэ окмытэз уж'ёсты лыдэ басытыса мыр-мыр умой ужаны кутсконо, комсомольской ужез эшшо но умой пуктоно.

Баженов.

Кын улэ гыронлэн мынэмез сярись

Райсоветлэн исполкомезлэн но ВКП(б) райкомлэн

ПОСТАНОВЛЕНИЗЫ

Райсоветлэн исполкомез но ВКП(б)-лэн райкомез Удмуртской АССР-лэн СНК-езлэсь но ВКП(б)-лэн Обкомезлэсь районьсытымы кын улэ гыронэз кемалы кыскемез но та ужез рад'яны дырыз дыр'я уждрад'ёс кутымтэ сярись указанизэс шонерен лыд'яно.

Райсоветлэн исполкомез но ВКП(б)-лэн райкомез лус'ё, что кын улэ гырон районамы организовать карымтэ. Понинской, Дондыкарской, Богатырской сельсовет'ёсысь колхоз'ёс кын улэ гырыны оз на куткылэ. Куд-ог колхоз правлениос но сельисполком'ёс кын улэ гыронлэсь умойзэ оз на валалэ, что кын улэ гырем выль устойчивой урожай сётэ. Соин ик трактор но вал кужым кын улэ гыронын тырмыт вис'ямтэ, та выль верам'я. Райсоветлэн исполкомез но ВКП(б)-лэн райкомез постановить каро:

1. Район'я кын улэ гырыны нуналлы быдэ 430 га план юнматано, та пöлысь трактор'ёсын гырыны 195 га, озымы кын улэ гыронэз быдэстыны Слудской, Богатырской, Почашевской но Адамской сельсовет'ёсысь колхоз'ёслы 30 сентябрье. Дондыкарской, Бадзымшурской, Понинской но Коршевихинской сельсовет'ёсысь колхоз'ёслы 5 октябрье.

2. Кажной ужано валлы кын улэ гырыны 2,25 га сезонной норма тупатано, кажной колесной тракторлы 100 га.

МТС-лэсь директорзэ Чувашев эшез обязать кароно чик могоатэ трактор'ёссэ тупат'яны но ваньзэ трактор'ёсын круглосуточной гыронэз обес-

печатить карыны, куд'ёсыз уг ужало кутсаськонын.

4. Колхоз'ёслэн правлениосылы косоно колхозник'ёслы кын улэ гырон тупатэм заданиез быдэс'яку трудоденен жыныен начислять карыны, нош солэсь мултэс гырем понна котькуд гектарлы трудоденьёсты начислять карыны колхоз'ёслэн тупатэм расценкаоссы сярись кык полэс.

5. МТС-лэсь директорзэ Чувашев эшез обязать кароно кын улэ гыронын котькуд ужась тракторлы тупатыны нимысьтыз сезонной задание. Тупатэм сезонной нормаез быдэс'ясь тракторист'ёслы сосолэн кын улэ гыронын ужам трудоденьёссы вылэ начислять карыны 20 процент надбавка, нош тупатэм нормалэсь выль гырем гектар'ёс понна начислять карыны трудоденен жыныен.

6. Райзолэсь заведующийзэ Четвериков эшез, МТС-лэсь директорзэ Чувашев эшез, сельисполком'ёслэсь председател'ёссэс, колхоз'ёслэсь правлениоссэс обязать кароно кын улэ гыронэз тупатэм сроке быдэстыны, таин валче кын улэ гыронлэн мурдалаез 18-20 сантиметр мед луоз.

7. Райзолэсь заведующийзэ, МТС-лэсь директорзэ, сельисполком'ёслэсь председател'ёссэс, колхоз'ёслэсь правлениоссэс, сельской первичной партийной, комсомольской организации та постановлениез обсудить карыны косоно. Обсудить карыса, быдэстыны вылысь уждрад'ёс кутыны.

Райсоветлэн исполкомезлэн председателез **Алексеев**. ВКП(б)-лэн райкомезлэн секретарез **Черезов**.

Выбор образцово ортчиз

Нырысетй сентябрье туэ арын Райкомольской первичной комсомольской организации отчетно-выборной собрание ортчиз. Нырысь ик КСМ организацилен секретарез Захаров эш отчет лэсьтйз. Ас отчетной докладаз та туж умой вераз кудог комсомолец'ёслэсь азинскемзэс но окмытэссэс. Отчетысь адскиз, что Захаров эш ас ужэз умой быдэс'яз, ужатчозяз егит'ёс пöлысь комсомоллэн радаз 2 мурт пыртэмын (Люкин С. М. но Баженов В. К.). Комсомолец'ёс поручить карем уж'ёссэс дыраз, умой быдэс'яллызы. Комсо-

мольской взнос'ёс озы ик дыраз тыриськыллызы. Захаров эшлэн докладэз'я уно комсомолец'ёс выступать карызы, ас выступлениосазы веразы талэн умой ужомез но янгыш лэсьтэм'ёсыз сярись.

Отчетно-выборной собрание, Захаров эшлэсь уждэз удовлетворительно дун'яз.

Отчет кылскем бере бырийськон'ёс мынйзы. Комитетэз быр'емын 3 мурт (Баженова Р.—секретарь, Баженов В.—воштйез но Селиверстова Е.—член). Собрере районной конференции 3 мурт быр'емын.

В. Баженов.

Сельсовет'ёс'я но колхоз'ёс'я	Кын улэ гыр. планэз		
	Вань-мыз	Гыроно МТС-лэн трактор'ёсын	Вал'ёсын
а) Адамской			
Адам	290	220	70
Солдырь	300	140	160
Заболотное	180	80	100
Кельдыково	170	—	170
Весьякар	75	—	75
Турай	70	—	75
Сельсовет'я	1085	440	645
б) Коршевихин.			
Изошур	285	170	115
Кваляр	105	30	75
Полом	278	140	138
Коршевишно	250	180	70
Гавриденки	133	90	43
Папогово	243	232	111
Петровка	32	—	32
Чудьчепи	94	40	54
Сельсовет'я	1520	882	638
в) Понинской			
Кляпово	400	350	50
Митино	46	20	26
Коршуново	320	260	60
Лялино	200	140	60
Поняно	64	—	64
Донда	326	190	136
Поддарай	305	148	157
Ескино	50	—	50
Сельсовет'я	1711	1108	603
г) Бадзымшур.			
Бадзымшур	148	100	48
Чаново	314	220	94
Чеколи	99	40	59
Физаты	67	30	37
Артенки	65	—	65
Морозы	76	—	76
Шаньгопи	28	—	28
Лукапи	75	—	75
Малахи	54	—	54
Подгорное	36	—	36
Зянышур	64	—	64
Сельсовет'я	1026	390	636
д) Почашевской			
Почашево	160	140	20
П-Кляпово	150	125	25
Палэзь	40	25	15
Пудвай	103	90	13
Ярошур	160	145	15
Бозино	126	110	16
Зуир	55	45	10
Зодотари	277	170	107
Паслоково	169	125	44
Кырлуд	156	65	91
В-Андреевка	27	—	27
Платонпи	29	—	29
Помаг	88	30	58
Чебершур	55	—	55
Зуйкар	89	—	89
В-Матеяг	34	—	34
Сельсовет'я	1718	1070	648
е) Дондыкарской			
Дондыкар	299	230	69
Портяново	185	90	95
Ягул	176	81	95
Ярошур	87	39	48
Шудегово	173	140	33
Шалкяли	64	40	24
Сороково	124	90	34
Проствет	49	20	29
Годольи	48	20	28
Тугтыши	110	80	30
В-Катаевка	24	—	24
В-Чажай	26	—	26
Вильгурт	160	70	90
Поркар	49	—	49
Сельсовет'я	1574	900	674
ж) Слудской			
Пышкец	334	240	94
"2-я пятилетка"	192	110	82
У-Пышкец	109	40	69
В-Слудка	276	180	96
Печешур	81	—	81
Сельсовет'я	1229	710	519
з) Богатырской			
В-Богатырка	406	190	216
Н-Богатырка	280	210	70
Симашур	76	—	76
Михайловка	76	20	56
Сельсовет'я	838	420	418
Район'я	10700	5920	4780

Таослэсь пример басьтоно

Август толэзе куд-ог колхоз'ёсын мынйз на массовой ю октон-калтон.

Бадзымшурской сельсовет'ысь Зянакшур колхозын озы ик вал на ю октон-калтонзы. Та колхозысь куд-ог колхозницаос сюлмысь нюр'яскизы ю октон-калтонэз вакчи дырын но ыштон'ёстэк орчтыны. Кылсярись, Лидия Николаевна Баженова, август толэзе гинэ огняз 115 трудодень ужаз, озы ик Баженоваос Калиста Максимова 115

трудодень, Анна Николаевна —114 трудодень, Федора Андреевна 99 трудодень.

Школаын дышеткись пинал'ёс но ю октон калтонын активно участвовать карызы. Тани, Христина Матвеевна но Евгения Васильевна Баженоваос август толэзе гинэ 83-89 трудодень ужазы. Таос шутэтскон дыр'язы колхозын умой ужаса, школаын но озы ик отличницаосын луозы шууса малпано луоз.

Афонин.

Ужамтэлэн бервылыз

Туэ арын нырысетй сентябрье Роновской первичной комсомольской организации отчетно-выборной собрание ортчиз. Татын отчитаться карыськиз КСМ организацилен секретарез Булдакова эш.

Отчет кылскем бере 7 мурт прениын вераськизы. Ваньмыз прениын вераськисьёс Булдаковалэн урод ужомез сярись гинэ вераськизы. Тани, Булдакова 1939 арын сентябрь толэзысен секретарен ужатчозяз 2 пол гинэ комсомольской собрание орчтылз. Та собрание но ваньмыз комсомолец'ёс оз люкаськылэ. Комсомольской взнос'ёс 3-4 толэзысь тырылэтэк улылйз. "ВКП(б)-лэн историез лэсь краткой курсэ" изучать оз карылэ. Егит калык пöлысь одйг муртэз но комсомолэ оз пыртэ. Нокрыче кружок'ёс оз

ужаллялэ Булдаковалэн ужан планэз но оз луылы, нокрыче учет ой вал, организациысь тызы кыкез комсомолец'ёс прогул лэсьтэмзы понна судить каремын.

Ваньзэ тае урод уж'ёсты лыдэ басьтыса, роновской первичной КСМ организацилен ужелы неудовлетворительной оценка сётйзы. Тайной голосованиен секретарез А. С. Баженоваез бырийзы.

Талэсь портэм ик умой уж өвöl Риковской первичной комсомольской организациен но, июль толэзысен одйг пол гинэ комсомольской собрание орчтылэм. Верано усе сое но, что ВЛКСМ-лэн райкомез нырулысьтыз комсомольской организациослэсь ужомэз оз учкыл, нокрыче практической юрттэт оз сёт'я.

Баженов.

Кутсаськон ужез умойтоно

Районамы тросэз колхоз'ёс валэс ю аранзэс быдэстылызы ни, али колхоз'ёс культю люкало, кутсасько. Нош куд-ог колхоз'ёсын кутсаськонэн уг дырто, В-Слудка сельсоветын колхоз'ёс 30 процент гинэ кутсазы ни, а та сельсоветысь колхоз'ёслэн котькыче луонлык'ёссы кутсаськон ужез быдэстыны вал ни, колхоз'ёс витэ МТС-лэсь сложной кутсаськон машинаоссэс, а асьсэлэн параконной молотилкаоссы ужатэк уло, озы йегато кутсаськон ужез.

Туж бере кылемын колхоз'ёс Дондыкарской сельсовет'ысь, басьтоно-ке Ярошур колхозэз, председателез Главатских эш, ялан витем юрттэт, нош учконо-ке колхозын ужась кужым тырмыт—окмымон, колхоз бере кылем соин, что колхозник'ёс пöлын трудовой дисциплина куашкатымын чукна ужаны туж беропото, нош жйтэс ваз берто. Тае ик уж пунктэмын Портяново колхозын. Дондыкар

колхозын туж трос арам ю тысь кертылымтэ. Ваньмыз тае уж'ёс верало сое, что колхоз'ёслэн кивалтйсьёссы партилэсь но правительствэлэсь ю октон-калтон сярись постановленизэс тырмыт оз валалэ. Ужась кужым'ёссэс кулэез'я организовать оз каре. Тужгес ик тае оз вала Партяново колхозлэн вуж председателез И. С. Адаев эш. Ю октон-калтон ужез ас эрказ лэзий, озы колхоз азымынйсь пöлысь бере кылиз.

Сельисполком'ёслэн, колхоз'ёслэн председател'ёссылы одно ик валаны кулэ сое, что таос нуо бадзым ответственность дыраз ю октон-калтон ужез быдэстонын. Соин ик та шулдыр нунал'ёсы ваньзэ ужась кужыме, вал кужыме пуктоно кутсаськон но культю люкан котыре, чтобы көсэн кутсам ю тысез госуларстволы сётэм бере тырмыт кыстыны кидыслы, страховой но мукет фонд'ёсы.

Д.

Детской ясли кылдытэмын

Гужем уж'ёс азе Кляпово колхозын детской ясли кылдытэмын. Ваньмыз пинал'ёссы нуналаз 18 кузя люкаськыло. Пинал'ёсты сюдыны но воспитать карыты кык кузя, пинал'ёсын туртскыны мылкыдо ныл'ёсты пунктэмын.

Воспитательницаос: Г. Е. Баженова но И. В. Кунаева эш'ёс пинал'ёс бордын мылысь-кыдысь туртско. Сионюон умой организовать каремын, умой сионэн сюдо.

Пинал'ёс бордын трахестра улэ, та пинал'ёслы висён кутскемлэсь эскерылэ.


Нош умоесь факт'ёсын чöш

ик урод'ёсыз но вань. Колхозлэн председателез Кунаев оз сюлмаськы умойгес жöк лэсьтыны. Жöк интые урод куштэм партаез погыртыса пул гинэ жугемын, со вылын пинал'ёсты сюдыны возыть. Тйни та быдэсак яслилэсь туссэ сөре.

Со сяна оз сюлмаське окмымон койкаос лэсьтыны. 18 пинал'ёслы 6 гинэ пичи кроватькаос.

В. Баженов.

Отв. редактор. **А. Дряхлов.**



Советской Латвиин, тракторен гыро.